

DOBAR
LOŠ
ZAO



SIPA I TUŽITELJSTVO BiH

Privođenje sutkinje Azre Miletić zbog optužbi da je uzela mito od 100.000 maraka veliki je korak za istražitelje, tužitelje i kompletan pravosudni aparat BiH jer pokazuje spremnost za obračun sa korupcijom tamo gdje je ona rak-rana. No, ako (oprez nikad nije naodmet) i ovaj slučaj skonča kao brojni dosadašnji gibraltari, valja vjerovati da će (konačno!) i tužitelji položiti račun.

SADIK AHMETOVIĆ

Državni poslanik i potpredsjednik SDA obznanio je - bez političkog kalkuliranja - sve domaće i stranačke probleme u formiranju vlasti nakon posljednjih izbora. Još samo da je kritici dodao i pogled u stranačko ogledalo, možda bi Čovičevići apetiti postali jasniji.





NIKOLA ŠPIRIĆ

Da političar umije, čak i u ovakvim turobnim vremenima, sačuvati smisao za (crni) humor demonstrirao je vječni, da ne kažemo pre(t)plaćeni SNSD-ov kadar u vlasti BiH: nakon četiri godine izbjegavanja miješanja u vlastiti posao ovaj se dodikovac (samo po praksi) ispričava Parlamentu BiH za neprisustvo sjednici - ministarskim obavezama. Eto sad ih se sjetio!

HASAN ČELAM

Nevjerovatna je upornost predsjednika Komisije za vrijednosne papire FBiH: čini se zapravo da ne postoji berzanski mešetar u regionu (a i šire!) sklon mutnim radnjama a da s njim nije u kakvom povezanom odnosu Zijad Blekić (sličan se sličnom raduje!) i da Čelam to sve nije u KVP-u provukao kroz papire?!

